

OKVIRNI SPORAZUM

Za nabavku usluga broj OP - 21/19 (usluge održavanja medicinske opreme)

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova broj 11, ID broj 420017457004, koju zastupa v.d. generalni direktor Prof.dr. Mehmed Kulić (u daljem tekstu: **Naručilac**)

i

1. **Shimadzu d.o.o.** sa sjedištem u Sarajevu, ulica Tešanjaska br.7, ID 4200419780000, kojeg zastupa direktor Silva Popović, (u daljem tekstu: **Izvršilac**).
2. **Inel-Med d.o.o.** sa sjedištem u Mostaru, ulica Rudarska 20b, 88 000 Mostar, ID broj: 4227082520006, kojeg zastupa direktor Mira Tadić, (u daljem tekstu: **Izvršilac**).
3. **MES d.o.o.** sa sjedištem u Zenici, ulica Londža 138/PC Roma II, ID broj 4218047890004, kojeg zastupa direktor Harun Imamović, (u daljem tekstu: **Izvršilac**).
4. **Medit d.o.o.** sa sjedištem u Sarajevu, ulica Hamdije Čemerlića 2/14, ID broj 4201342080006, kojeg zastupa direktor Amir Filipović, (u daljem tekstu: **Izvršilac**).
5. **Farmavita d.o.o. Sarajevo**, sa sjedištem u Vogošći, ulica Igmanska 5 A, ID broj 4200075750009, kojeg zastupa direktor Sabahudin Žujo, (u daljem tekstu: **Izvršilac**).

I Osnovne odredbe

Član 1.

Strane u okvirnom sporazumu saglasno konstatuju:

- da je JU Dom zdravlja Kantona Sarajevo, kao ugovorni organ u skladu sa Zakonom o javnim nabavkama " Službeni glasnik BIH broj 39/14) proveo otvoreni postupak javne nabavke broj: OP 21/19

- da je JU Dom zdravlja Kantona Sarajevo donio Odluku izboru ponuđača i dodijeli okvirnog sporazuma broj:01-03-5798-5/19 od 10.07.2019. godine, u skladu s kojom se zaključuje ovaj okvirni sporazum između JU Dom zdravlja Kantona Sarajevo i ponuđača:

1. **Farmavita doo Sarajevo**
2. **Medit doo Sarajevo**
3. **Inel-med doo Mostar**
4. **Mes doo Zenica**
5. **Shimadzu doo Sarajevo**

II Predmet okvirnog sporazuma

Član 2.

Predmet okvirnog sporazuma je utvrđivanje i odabir više kvalifikovanih ponuđača radi zaključivanja pojedinačnih ugovora u javnoj nabavci **usluge održavanja medicinske opreme** između naručioca i izvršioca u skladu sa uslovima iz tenderske dokumentacije.

III Važenje okvirnog sporazuma

Član 3.

Okvirni sporazum sklapa se na dvije godine, a stupa na snagu danom potpisivanja svih učesnika sporazuma.

Tokom perioda važenja ovog sporazuma, zaključit će se više pojedinačnih ugovora sa najpovoljnijim izvršiocom u zavisnosti od stvarnih potreba ugovornog organa.

IV Cijena

Član 4.

Ukupna vrijednost ovog okvirnog sporazuma iznosi **60.000,00 KM** bez PDV-a, a što iznosi **70.000,00 KM** sa PDV-om.

Ugovorni organ je u predmetnom postupku nabavke odredio ukupni raspoloživi iznos za nabavku predmetnih usluga obzirom da se zbog prirode predmeta nabavke ne može unaprijed odrediti tačna količina i dinamika realizacije.

Ugovorni organ se ne obavezuje na nabavku predmeta nabavke do utvrđene vrijednosti u cijelosti. Stvarna realizacija ovoga sporazuma će zavisiti od stvarnih potreba ugovornog organa ali ne može preći utvrđenu vrijednost okvirnog sporazuma.


IV Način i uslovi zaključivanje pojedinačnih ugovora

Član 5.

Nakon zaključenja okvirnog sporazuma, kada nastane potreba ugovornog organa za predmetom nabavke zaključit će se pojedinačni ugovor o javnoj nabavci sa najpovoljnijim ponuđačem u skladu sa tehničkim specifikacijama i potrebnim količinama.

Pojedinačni ugovori će se dodjeljivati na način da će ugovorni organ nakon ukazanih potreba za određenim količinama predmeta sporazuma postupak provoditi u skladu sa sljedećim:

- ugovorni organ pisano se obraća svim ponuđačima sa kojima ima zaključen okvirni sporazum

- 
- ugovorni organ određuje rok za podnošenje ponuda, uzimajući u obzir složenost predmeta nabavke i vrijeme potrebno za dostavu ponuda
 - ponude će se podnositi u pisanom obliku, a njihov sadržaj će biti tajan sve do isteka roka predviđenog za dostavljanje ponuda
 - ugovorni organ će javno otvarati ponude i dostavljati zapisnik sa otvaranja ponuda svim ponuđačima koji su dostavili ponude
 - ugovorni organ će dodijeliti ugovor ponuđaču koji je dostavio najpovoljniju ponudu u skladu sa uslovima iz tehničke specifikacije i zahtjeva za dostavljanje ponude ugovornog organa

Obaveze za potpisnike ovog Okvirnog sporazuma nastaju tek zaključivanjem pojedinačnog ugovora o isporuci ugovorenih usluga.

Član 6.

Ugovorni organ nakon izvršenog vrednovanja pristiglih ponuda, dodjeljuje ugovor ponuđaču koji je dostavio najpovoljniju ponudu a u skladu sa uvjetima, kriterijima i tehničkom specifikacijom i drugim precizno definiranim uvjetima utvrđenim u tenderskoj dokumentaciji.

Član 7.

Prilikom zaključivanja pojedinačnih ugovora o isporuci predmetnih usluga, potpisnici Okvirnog sporazuma ne mogu mijenjati uslove ovog Okvirnog sporazuma.

Pojedinačnim ugovorima o isporuci predmetnih usluga utvrdiće se prava i obaveze ugovornih strana koja nisu uređena ovim Okvirnim sporazumom, u skladu sa tenderskom dokumentacijom i ponudom ponuđača, i to naročito u pogledu: pojedinačnih i ukupne količine ugovorenih usluga koje će se realizovati u sklopu pojedinačnih ugovora o realizaciji usluga, a koja će zavisiti od stvarnih potreba ugovornog organa, načina realizacije, načina plaćanja, a po potrebi i drugih elemenata bitnih za realizaciju predmeta ugovora, a u skladu sa opštim uslovima ovog Okvirnog sporazuma.

V Obaveze ponuđača:

Član 8.

Ponuđač se obavezuje da će početi sa izvršenjem usluge po zaključenju pojedinačnog ugovora i pisane narudžbe.

Član 9.

U slučaju da ponuđač nakon zaključenja pojedinačnog ugovora o vršenju usluga, zaključenog na osnovu ovog Okvirnog sporazuma, ne izvrši uslugu koja je predmet nabavke ili ne izvršava svoje obaveze u skladu sa dostavljenom ponudom, specifikacijom usluga dostavljenoj na osnovu tenderske dokumentacije i potreba ugovornog organa, ugovorni organ

ima pravo tražiti otklanjanje nedostataka ili može raskinuti pojedinačni ugovor o vršenju usluga.

Ponudač je dužan u cjelosti nadoknaditi ugovornom organu sve troškove prouzrokovane postupanjem opisanim u predhodnom stavu ovog člana. U tom slučaju, ugovorni organ, ima pravo na naknadu stvarne štete uključujući i štetu nastalu na drugim dobrima prema opštim pravilima o odgovornosti za štetu.

Pojedinačni ugovori o vršenju usluga obavezuju ugovorne strane za cjelokupno vrijeme njihovog trajanja.

Član 10.

Ponudač je dužan ugovornom organu dostaviti garanciju na ugrađeni i zamijenjeni dio ukoliko to bude traženo zahtjevom za dostavljanje ponude. Garanciju će ponudač dostaviti prilikom potpisa pojedinačnog ugovora.

VI Obaveze ugovornog organa

Član 11.

Ugovorni organ se obavezuje da će izvršiti plaćanje za izvršenu uslugu po svakom pojedinačno zaključenom ugovoru nakon ispostavljanja fakture.

Način i rok plaćanja će se definisati pojedinačnim ugovorom o vršenju usluga, ne može biti duže od 60 dan od dana prijema fakture.

VII Prelazne i završne odredbe

Član 12.

U slučaju da ponudač prilikom izvršenja usluga po pojedinačno zaključenom ugovoru o vršenju usluga učini povredu odredbi ovog Okvirnog sporazuma, ugovorni organ ima pravo jednostrano raskinuti ovaj Okvirni sporazum.

Član 13.

Ponudač odgovara ugovornom organu za sve štete prouzrokovane namjerom ili nepažnjom ponudača do iznosa stvarne štete. Odgovornost za štetu utvrđuje se u skladu sa odredbama važećeg Zakona o obligacionim odnosima

Član 14.

Potpisnici ovog sporazuma su saglasni da će sve eventualne sporove proistekle iz ovog Okvirnog sporazuma kao i zaključenih pojedinačnih ugovora o vršenju usluga rješavati prevashodno međusobnim dogovaranjem.

Ako potpisnici ovog sporazuma ne uspiju riješiti nastali spor ili problem, međusobnim dogovorom, za rješavanje spora nadležan je Sud u Sarajevu.

Član 15.

Sporazum je sačinjen u 8 (osam) primjerka od kojih naručilac zadržava tri (SEFP; JN, STP) a izvršioci po jedan primjerak.

IZVRŠIOCI

SHIMADZU doo Sarajevo


Direktor
Silva Popović

Datum:

MEDIT doo Sarajevo


Direktor
Amir Filipović

Datum:

INEL-MED doo Mostar


Direktor
Mira Tadić

Datum:

MES doo Zenica


Direktor
Harun Imamović

Datum:

FARMAVITA doo Sarajevo


Direktor
Sabahudin Žujo

Datum:


NARUČILAC
Javna ustanova Dom zdravlja KS


v.d. Generalni direktor
Prof.dr. Mehmed Kulić

Broj: 01-03-5798-6/19

Datum: 04-10-2019

Pripremila:



Melisa Krnić, dipl.ecc

Srubačni saradnik za javne nabavke